

## SHKALLËT E BESIMTARËVE NË RRUGËTIMIN DREJT ALLAHUT (MEDAARIXH ES-SAALIKIIN)

---

### Privatësia / es-Sirru / السِّرُّ

Dr. Hatim el-Haxh

Materiali është përmbledhje e kuptimeve të audio-ligjëratës nga nxënësit e hoxhës

<https://buff.ly/2hbVv4T>

Allahu ﷻ tha:

"اللَّهُ أَعْلَمُ بِمَا فِي أَنْفُسِهِمْ"

“Allahu e di më së miri çfarë ka brenda vetëve të tyre.”<sup>1</sup> (Hud, 31)

Personat privatë<sup>2</sup> janë të padëgjuarit. Dhe për këtë janë përcjellë hadithe.<sup>3</sup> Të këtyllët i gjen nëpër tri rinde në tri nivele:

Rendi i parë janë personat me aspirata të mëdha, me nijete të pastra, dhe me sjellje të mirë. Format dhe hapat e tyre s’mund të gjurmohen,<sup>4</sup> atyre s’mund

---

<sup>1</sup> Duke ditur çfarë ka në zemrat e tyre, Ai u bëri atyre hirin më të madh – udhëzimin në besim.

<sup>2</sup> Përthimi i drejtpërdrejtë i origjinalit në arabisht është “poseduesit/ruajtësit/njerëzit e fshehtësisë”. Këta janë ata, që i konsiderojnë si private raportet e tyre me Allahun. Ata janë të padëgjuar, të padallueshëm, dhe të singertë.

<sup>3</sup> Pejgamberi ﷺ tha:

“Allahu e do të devotshmin, të vetëmjaftueshmin, i cili nuk u ekspozohet të tjerëve.” (Muslim nga Sa’d ibn ebi Wakaas)

Po ashtu përcillet nga pejgamberi ﷺ të ketë thënë:

“Të bërit sa për t’u dukur është shirk (idhujtari). Kushdo që tregon armiqësi ndaj një miku të Allahut, i shpall luftë Allahut. Allahu i do ata që janë të drejtë, të devotshëm dhe të padallueshëm (modestë), që nuk ndihet mungesa e tyre, kur mungojnë, dhe nuk njihen, kur janë të pranishëm. Zemrat e tyre janë llamba udhëzimi dhe ata shfaqen (të padëmtuar) nga çfarëdo sprovë e errët.” (Ibn Maxheh e përcolli nga Mu’adh ibn Xhebel nëpërmjet një zinxhiri të diskutueshëm)

<sup>4</sup> Ata nuk janë të lidhur për forma, sepse janë të dhënë pas realiteteve. Për më shumë, ngaqë janë shumë përpara të tjerëve, hapat e tyre nuk mund të gjurmohen.

t'u jepet ndonjë etiketë (përshkrim)<sup>5</sup>, dhe ata s'mund t'i tregosh.<sup>6</sup> Këta janë koleksioni<sup>7</sup> i Allahut, kudo që janë.

Rendi i dytë janë atë, që identifikohen me një shkallë (stacion) ndërsa gjenden në një tjetër, aludojnë në një çështje ndërsa janë të angazhuar në një tjetër, dhe mbështesin një çështje ndërsa merren me një tjetër<sup>8</sup>. Këta gjenden mes mbulesës mbrojtëse që ua bën Ai, mbrojtjes që u vjen nga mirësjellja e tyre, dhe hollësisë së gjeniut që kanë.

Rendi i tretë janë një grup të cilët i Vërteti i ka fshehur nga (vetë) ata<sup>9</sup> duke u dhënë një të parë që ua merr mendtë aq sa të mos njohin gjendjen e tyre, i shushat aq sa të mos shohin atë për çka kanë nisur rrugëtimin (e pastrimit shpirtëror)<sup>10</sup>, dhe ua ruan gjendjen e brendshme nga të qenët të vetëdijshëm për të.<sup>11</sup> Kështu, atyre iu hodh perdja për të mos parë vetët e tyre ndërsa shohin shenjat e vërtetësisë së shkallës (stacionit) në të cilën gjenden.<sup>12</sup> Tërë kjo rezultoi nga një nijet i pastër, i trazuar nga një qëllim i padukshëm, nga një dashuri e vërtetë e fshehur nga mendja, dhe nga një ekstazë (*wexhd*) e çuditshme ndezësi i së cilës është i fshehur. Kjo është shkalla më e mirë e personave të *welajes* (miqësisë së Allahut).

---

<sup>5</sup> Ata s'kanë tituj, anëtarësi a aleanca të tjera pos asaj me Allahun, me të Dërguarin e Tij, dhe me fenë e zgjedhur të Tij – Islamin.

<sup>6</sup> Për shkak të modestisë së tyre, ata nuk njihen nga të tjerët përreth.

<sup>7</sup> Ata që Ai zgjodhi dhe i ruajti për Vetën e Vet.

<sup>8</sup> Ata përpiqen ta fshehin gjendjen e tyre private dhe raportet që kanë me Zotin e tyre.

<sup>9</sup> Sepse ata janë tepër të zënë duke shikuar Atë për t'i parë veprat a gjendjet e veta.

<sup>10</sup> Nëse ata kanë pasur si qëllim arritjen e një shkalle (stacioni) të caktuar, tash janë të përqendruar vetëm në Të, aq sa nuk u kujtohet më se për çfarë kanë marrë udhën (e pastrimit shpirtëror).

<sup>11</sup> Dija jote për gjendjen në të cilën je, mund të pengojë përparimin tënd dhe të vonojë arritjen tënde duke të ta heqë vëmendjen nga qëllimi yt – arritjen e kënaqësisë hyjnore.

<sup>12</sup> Kapja e tyre për Sunetin asnjëherë nuk u dobësua dhe dëgjueshmëria e tyre ndaj Sheriatit kurrë nuk u lëkund.